

甌北集

阮

北

集

國北集卷四十

戊午

陽湖趙翼雲松

戊午元旦

古稀過又兩年期望闕朝衫歲一披世事漸如雞肋
咏詩情猶剩虎頭癡流老幸春還到晚運衰非力可
支差喜筋骸粗健在東南山水擬探奇

蔣母陳太恭人七十壽詩

記得西池有使星夫人名以上元稱欲知壽母通仙籍
設帨剛臨不夜燈

淑德能持福渾圓閨門禮法世爭傳烏衣門第牛衣話
便抵班昭誡七篇

綵戲盈庭壽讌開重闌樂事笑銜杯人間此福談何易
都是慈暉長養來

壽葭堂上燦雲霞恰報瑤簪海屋加只說麗話春正永
綺牕纔綻早梅花

春仲出行

嫩黃新柳未成陰幾日春風綠滿林絕似元纁三入後
一番加染一番深

自是東風引綺羅撩人春色不須多一枝紅杏出牆見
便有少年携酒過

至蘇州寓懷杜閣後樓卽事

偶指名賢故跡湮祠成館我亦前因敢援彌勒同龕例

縛帚聊爲灑掃人

夔府成都各草堂何曾佳麗比山塘故應覽遍人間世
千載竈猶戀此鄉

斟酌橋通畫舫游都來塘北泛明流冶坊浜裏將寥落
漸少人登舊酒樓

道學難參花月場况兼蜀洛久參商如何廟祀程夫子

只與東坡隔一牆

比鄰有二
程夫子祠

碧桃花映水微波曉起園丁掃綠莎小雨乍晴風漸暖

今朝遊客必然多

古跡翻新似雉媒惹他屐齒滿蒼苔山僧不識名賢力
只道遊人爲我來

垂老光陰夕照斜風懷聊復逐鉛華惹他年少竊相笑
如此白頭來看花

名園樓閣表前賢點綴溪山物色妍自是承平好光景
頗聞秦蜀正烽烟

去歲偉兒就醫寓舍在伍相國祠東今來過此泣
然有作

往事追思灑淚紅牛年醫藥竟無功驚興重過靈胥廟

忍聽人呼伍相公

見行五家人
呼爲五相公

遊網師園贈主人瞿遠村

市闌難把塵囂隔何許林扃擅幽僻主人好客過鄭莊
買得名園集裾屐買園貴舊不貴新爲要濃陰綠如帟

惜哉喬柯已伐盡但有一池枯葑積乃窮土木妙結請
欲以新景賽古色小山堆出華子岡幽壑嵌來到公石
一重一掩曠輿兼煥館涼亭境屢易若非導僮幾觸柱
倘藏逋客敢搜壁想當意匠經營時多少黃金付一擲
明月清風四萬錢笑他子美真寒乞就中風潭已改濬
數畝中涵百頃碧網師之名尚仍舊定有千石魚策策
紅衣垂釣可作圖青笠擎音便泛宅老夫大發結網想
擬捉銀鱗長一尺

族兄耆庭八十壽詩

官爲循吏壽耆年通德門高列綺筵趙璧已歸城十五
兄就歸
道事朔桃正熟歲三千科名最久無同輩簪笏相承有

後賢我托茅家好兄弟相隨巾舄共遊仙

題印淞汀同年隱几觀書遺照

京兆門高藥榜聯秋風同赴鹿鳴筵披圖今日重相見

回首俄驚五十年

按部威名接柏臺

君由御史
觀察浙東

經猷都自讀書來一官未竟

青箱業留與兒孫著作才

瘦銅子孝彥來見泫然有作

葛帔相看淚滿衣貧官門戶已全非僅餘我作青蠅甲

猶憶君邀畫鷁飛

余赴鎮安任過蘇州
瘦銅具舟邀遊石湖

身去空留詩句好命

窮直到子孫微一驂脫贈終何補慚愧論交共瘠肥

題單竹軒山水知音圖

觸手生春濟物心活人陰德歷年深誰知預養和平處
早在空山綠綺琴
流水高山結素知知君林壑有幽期只愁名掛翹材館
未是揮絃晏坐時

題短簿祠

短簿祠高虎阜東故居人指梵王宮誰知捨宅歸僧寺
翻占名山地百弓

題錢瞿田林屋夜游圖兼呈尊人竹汀宮詹前輩
具區之勝古林屋金簡玉書局秘牘頭上波濤腳底雷
相傳地道通粵蜀道書編列雖第九實壓洞天三十六
我欲往披岳瀆經去秋已泊錦帆涇靈威笑我不識室

作使風雨迴揚舲竹汀先生勇過我萬頃洪波駕飛舸
七十二峯一覽收將訪左神尙未果從行乃有狂次公
月下竟去探嵌空鍾乳滴衣苔滑屨蝙蝠亂撲炬火紅
窘步足如走懸索僂行腰且彎強弓前曠中興後軒豁
直到徑絕風雲通歸來放筆賦長句來證先生水經註
先生大喜酬瑤篇倍憐膝上王文度快哉茲遊足千古
特爲名區增典故昔者坡老游石鐘携兒同聽風浪衝
不聞邁也出傑作能與鞳鞳聲爭雄近時竹垞亦來此
神景觀前半途止笛漁并未捧杖隨但遺賓徒叩扉委
豈如先生樂事專父子共佔名山川繪之素冊記一蹟
此詩此畫皆可傳我將蠟屐踐宿約携向洞壁親摹鏤

去年八月余欲遊洞
庭爲風雨敗興而返

述菴司寇竹汀宮詹過懷杜閣寓齋小集

舊雨一朝集欣聯李郭舟若非憑勝地安得召名流幸

脫龍蛇厄

子才西莊告以巳年下世

同爲笠屐遊山塘人已說好作畫

圖畱

館閣青雲契林泉白髮年相逢非偶爾欲別輒凄然得
是鶯花地而當樓筍筵一尊同話舊能不重流連

三月十日寓齋前牡丹纔試一花次日半開者數

朶十二日曉村太守譙東浦藩伯湛露廉使柳
亭觀察于此則百朶競放矣以後士女遊觀連

日雜省雜記以詩

聞道旌麾過使車牡丹連夜發穠華比他羯鼓催還速
富貴花原勢利花

那得才人不露才名花亦愛向人開一枝背面亭亭立

也對紅欄拗項來

花面皆側向人

錦棚陰下集珠鈿人面花姿一樣鮮小立無言心自付
不知顏色果誰妍

翠翹紅袖總嬰春稍爲移牀避鞦韆塵滿架名花讓人看
老夫却看看花人

此來專結牡丹緣繭栗催開七日妍看到落紅吾亦去
人言薄倖杜樊川

曉村太守連日讌客於三賢祠余以寓客屢作座

賓賦詩誌雅

名園改築古賢祠太守風流集履綦肯與前人圖不朽
必非俗吏所能爲習池此日多遊跡峴首他年有去思
早是與民同樂意不言已遍路人知

地主翻教作座賓僦居已是授廛民屢陪士已流觴宴
幾比中書伴食人釦砌日烘花拆甲觥船風過酒生鱗
浣花故事真重見嚴尹移厨到水濱

三賢祠成皆曉村之力詩酒遊讌足繼前輩風流
洵虎邱佳話也再作詩以誌後人

平山皎維揚多景屹潤州昔人宦遊地每托勝蹟畱任
君守吳郡三年惠愷流緬懷前賢踪歷歷在虎邱賈園

爲築祠荒度妙連等位置杜白蘇恰有堂閣樓似昔造
園時觀爲三公謀祠成景殊絕亭館清且幽爲是手營
構公餘屢來游士女不避路花木欣停騶豈惟表前賢
直可當菟裘庾樓江州詠習池襄陽謳行當擅此勝名
區占千秋

杜老與坡公偶然作過客惟有香山翁治郡留惠澤矧
茲山塘路又其所增闢岸栽此杏紅水蒔菱荷碧故應
廟食此秩祀占一席君來繼爲守百事勤擘畫淤潞城
河泥堅甃運堤石居行竝蒙福民乃不知役

君濬白城門河
道又葺運八石

工得非白後身重來建長策我讀長慶詩虎阜紀遊蹟
一年十二度詩酒寄酣適今看騶從臨想見古裾屐風

泥千載同何必今異昔

春蘭禁體和呂叔訥廣文

霜雪亦青馮春來發幾叢有香羣草內無色萬花中粉
氣薰常借鉛華寫未工幽人憐臭味最喜素心同

吳下諸生問余至多以詩來謁頗費應酬卒然

偶此成流寓何期口屢盈我慚無實學人尙愛虛名豈
有傳衣付殊勞倒屣迎此邦風氣好前輩肯心傾

枉將心力泥風騷湖海生平氣本豪功業老難投袂起
聲名古且鑿坯迷人能不朽方爲壽俗有桂知尙未高
慚愧蕭蕭雙白髮猶將顰悅動時髦

將別寓樓題壁

三賢祠廟虎邱旁借得樓居正豔陽古蹟新傳詞賦學
名園壘斷綺羅香題詩豈有紗籠壁治具頻吟酒過墻
竿木逢場聊作戲老來真愧少年狂

題瞿花農洞庭泛月圖

吳洞庭非楚洞庭近游我尙阻揚舩美君真馳湘騷悲
放櫂君山月滿汀

讀史

盜起開元後渠熾正德中古今多變局天地少全功未
事幾誰覺臨危力已窮陳編供閱歷愁對一燈紅

杭州晤同年謝蘊山藩伯

汾晉移旌僅一年重來浙土奏旬宣

帝期東海長無警，公與西湖夙有緣。
杭越總歸千厦庇，白蘇僅以兩堤傳。
早聞力挽頽風處，先凜冰霜素節堅。
退衙無事擁牙籤，補史亭前晝下簾。
不擇地知文思湧，無堅城爲筆鋒銛。
名高應竝湖山久，才大何妨甌詠兼。
勲業文章都佔盡，使君毋乃取傷廉。

晤同年馮星石

瓊林同赴口，初寅彈指幾將四十春。
福地湖山歸養日，戲場袍笏倦遊人。
一編自訂肩山集，君補註蘇詩七年告成五畝猶懸魏闕身。
榜下未交林下見，相從那不白頭新。

蘊山招同星石湖舫遊讌

青雲同榜幾人存，三老相逢意倍敦。
盡舫烟波人在鏡，